

Mas ilegal a subi tera... Curpa di un ilegal Peruano a pega na Costa patras di Nanki



ORANJESTAD(AAN):
Contrabando pa trece hende
Aruba ta sigui for di Vene-
zuela.

Diasabra un biaha mas un
victima a keda registra
despues cu un boto
procedente di Venezuela a
baha un cantidad di persona
ilegalmente na altura di
Santana di Cacho unda nan a
logra subi tera net patras di
ex-Nanki Country Club.

E prome informenan a
drenta cerca polis for di
oranan trepan di mainta
despues cu testigonan a mira
con un auto a subi hende y
baha na awa for di e lugar.
Aki ta trata di mas of menos
cinco ilegal cu a subi tera.

Segun esnan cu a notifica
polis, lo ta trata di un Nissan
Sentra cual te hasta number
di auto a ser duna na polis.

Polis no a topa cu e auto aki,
pero a busca rond sin haya
ningun otro ilegal riba tera.

Kustwacht tambe a saca
nan boto unda nan no a topa

cu ningun boto mas e
momento ey. Mescos heli-
copter a lanta vuelo pa yuda
cu e buskeda.

Segun e dia a habri a drenta
otro informacion di un curpa
sin bida cu a pega na canto.
Aki ta trata di un di esnan cu
a bula for di e boto y no a
logra yega tera na bida
pasobra el a hoga.

Ta trata di un hoben Jose
Francisco Sanchez Sanchez
naci na Peru dia 25 di Sep-

tember 1976, pues awe e lo a
cumpli 30 aña.

Polisnan a haya un saco cu
algun documento cual nan
por a saca afor e nomber di e
victima aki.

Autoridadnan a logra haci e
yamadan necesario pa
Peru unda e mama di e hoben
aki a worde notifica di e
perdida di sucedido cu nan
yiu. E capitan a scapa di un
castigo pisa den e caso aki
pasobra awor e ley ta
diferente.

Polis ta sigui cu e
investigacion pa trata na
haya esnan cu a subi tera pa

haya sa tambe si kizas tin
otroonan cu no a logra yega
tera despues di a bula for di e
boto.

Caminda e persona a yega
tera tabata dificil pa e auto di
morto yega y pesey mes cu
yudanza di un pickup 4x4 di
un periodista, a logra trece e
curpa mas cerca.

Na e famia hopi forza y paz
na su restonan.

CASO ANDANDO
AINDA: Ainda tin hendenan
sera y den nan un capitan cu e
biaha aki no a scapa di e
contrabando di hende.

Aki ta trata di e caso di e

boto Mari Mar unda dos
siman pasa diasabra el a keda
deteni atrobe pa contrabando
di hende y ta bira e prome
sospechoso cu lo worde
sentencia despues cu e ley
nobo a ser introduci.

**TELEFONNAN
DI DIARIO
582-6747
FAX
582-8551**

ONE HAPPY ISLAND!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

**Pronkstuk di
Budha
NOBO NOBO
a jega.**